



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXLVII. ad annum CCCCI.

**Parisiis, 1644**

III. De ordinationibus illicitis contra statuta patrum praesumptis.

**urn:nbn:de:hbz:466:1-15256**

sis & Viennensis , qui de primatus apud nos honore certabant , a sancta Synodo definitum est , vi qui ex eis approbauerit suam ciuitatem esse metropolim , is totius prouinciae honorem primatus obtineat : & ipse iuxta Canonum præceptum ordinationum habeat potestatem . Certe ad pacis vinculum conseruandum , hoc consilio utiliore decretum est , vt si placet memoratarū vrbium episcopis , unaquæque de his viciniores sibi intra prouinciam vindicet ciuitates , atque eas ecclesiæ visitet , quas opidis suis vicinas magis esse constiterit : ita vt memores vnanimitatis atque concordiaæ , non alter alterum , longius sibi usurpando , quod est alii proprius , inquietet .

## III.

Gestorum quoque seriem conscribi placuit ad perpetem disciplinam , quæ circa Octauium , Vrionem , \* Remigiū & Triferium episcopos Synodus sancta decreuit , qui in usurpatione quadam de ordinatione sacerdotū ad inuidiam vocabantur . Quod eis eatenus videtur indultū , vt de cetero hac auctoritate commoniti , nihil tale usurpare conentur . Si quidem ea se ab hac causa excusatione defenderint , quod dicerent prius se non esse conuentos . Proinde iudicauit Synodus , vt si quis ex hoc fecerit contrastata maiorum , sciat is qui ordinatus fuerit , sacerdotii se honore priuandum : ille vero qui ordinauerit , auctoritatem se in ordinationibus vel in Conciliis minime retenturum . Non solum autem circa memoratos episcopos hæc sententia præualebit , sed & circa omnes , qui simili errore de-

ANNO CHRISTI 397.  
cepti, ordinationes huiusmodi perpetrarunt.

I V.

De Palladio autem laico, qui Spano presbytero non leue crimen intenderat, inter quos episcopus Triferius eiusdem criminis causas se cognouisse testatus est; id Concilii decreuit auctoritas, ut idem Palladius in eadem sententia maneret, qua cognitionis tempore a Triferio fuerat sacerdote multatus. in hocei humanitate reseruata Concilii, ut ipse Triferius in potestate habeat, quando voluerit, ei relaxare.

V.

Statuit quoque de Exuperantio presbytero sancta Synodus, qui ad iniuriam sancti episcopi sui Triferii grauia & multa congesserat, & frequentibus eum contumeliis prouocauerat; ita ut nonnulla fecerit contra ecclesiasticam disciplinam, propter quam causam ab eo fuerat dominica communione priuatus: ut in eius sit arbitrio restitutio ipsius, in cuius potestate fuit eius abiectio. hoc est, ut quando velidem Exuperantius satisficerit, vel episcopo Triferio visum fuerit, tunc gratiam communionis accipiat.

VI.

Illud præterea decreuit sancta Synodus, ut quoniam legatos episcopi Galliarum, qui <sup>\* Binus</sup> <sup>legit.</sup> Felici <sup>\*</sup> communicant, destinarunt; si qui ab eius communione se voluerint sequestrare, in nostræ pacis consortium suscipiantur, <sup>f</sup> iuxta literas venerabilis memorie Ambrosii episcopi, vel Romanæ ecclesiæ sacerdotis, dudum latas, quæ in Concilio legatis præsentibus recitatæ sunt.